



Ilaqutariinnermut Peqqissutsimullu Ataatsimiititaliaq
Inatsisartut
Postboks 1060

25-03-2026
Sags nr. 2026-6692
Akt. id. 26359747

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

UKA2025/94-mik ataatsimiititaliap suliaqarneranut atatillugu Ilaqutariinnermut Peqqissutsimullu Ataatsimiititaliap apeqqutaanik akissuteqaatit

Asasakka Ilaqutariinnermut Peqqissutsimullu Ataatsimiititaliaq.

UKA2025/94-mik Ilaqutariinnermut Peqqissutsimullu Ataatsimiititaliap suliaqarneranut atatillugu ataatsimiititaliap UKA2025/94-ip aamma soraarnerussutisianik suliassa qarfimmil immikkut ilisimasallit maannakkut suliaqarnerisa akornanni sunniivigeqatigiinneq apeqqutigisimavaa.

UKA2025/94 utoqqalinersiutit pillugit Inatsisartut inatsisaata allanngortinnissaanut Naalakkersuisut siunnersuusioqqunerat pillugu Inatsisartut aalajangiussaqaarnissaannut tunngavoq, taamaalilluni isertitat annertussusaannik malitsigisamik utoqqalinersiutit ikilisinnagilluunniit atorunnaarsinnissaat pisinnaajunnaassallutik.

Ataani apeqqutit uteqqinneqarput, ataasiakkaarlugillu akineqarlutik.

Apeqqut 1

Ataatsimiititaliamit nassuiaasoqassasoq kissaatigineqarpoq Naalakkersuisut eqqarsaatigisimaneraat, UKA2025/94-imi allannguatissatut siunnersuut akuerineqassappat, suleqatigiissitat immikkut ilisimasallit utoqqalinermit soraarnerussutisiat aaqqissuuteqqinnissaanut ataatsimut iluserititamik maanna suliarineqalereersumut qanoq ilanngunneqassanersoq? Immikkut ilisimasallit sulinerat sivitsorniarneqassava? Imaluunniit siunnersuummik 2026-imi decemberimi saqqummiussinissaat suli atuutsinneqassava?

Akissut

Naalakkersuisooqatigiinnissaq pillugu isumaqatigiissut najoqqutaralugu Naalakkersuisut kiffaanngissuseqartutut immikkut ilisimasallit, soraarnerussutisianik iluarsiissutissamut takkuttussamut tamakkiisunik inassutinik saqqummiussaqaartussat pilersissimavaat. Taamaattumik immikkut ilisimasallit



inassutigisaminnik saqqummiussinerat sioqqullugu Naalakkersuisut iluarsiiissutitut suliassanut anginerusunut, tigussaasunut imminnut pituttorusunngillat.

Immikkut ilisimasallit aaliangersimasunut attuumassuteqaratik sulipput, taamaattorli immikkut ilisimasallit suliassaasa nassuiaataanni Naalakkersuisut aalajangersimasaattut toqqammavigisat taakku iluanni sulisuupput. Suliassanut nassuiaatip ilaatigut aalajangerpai immikkut ilisimasallit *"suliaqarnermit isertitanit utoqqalinersianik ilanngaateqarluni malittarisassiat allanngortitat sunniutaannik misissueqqissaaralutillu annertussusiliissasut (...) taamaaginnartitsinermit tamakkiisutut ilanngaateqarsinnaanermut kiffaangissuseqarfimmut pisoqarfiusinnaasut ilanngullugit)*, aammalu tunngavigisap matuma iluani sulissallutik, tassalu *"innuttaasut utoqqalinersiuteqalernissamat qanillisut (imaluunniit ukiuminnik angusaqareersut) suliffeqarfimmut ilaanissaminnik suli kissaateqalersillugit kajumissaarutitigut ilutsimik pitsaanagerusumik pilersitsisoqassalluni)*.

Taamaalilluni tamanna utoqqalinersiutininik ilanngaalluni naatsorsuinnermut malittarisassiat allanngortinneqartut isummerfiginissaat immikkut ilisimasallit isumagisassaanni toqqannartutut inissisimavoq. Innuttaasunut utoqqalinersiaqalerlutik ukioqalernermit qanillisunut, imaluunniit ukiuminnik angusaqareersunut suliffeqarfimmiiginnarnissap kajungernerulersinnerullugu utoqqalinersiaqarnermut iluarsiiissummut immikkut ilisimasallit suliassaannut nassuiaatitut toqqammavigisap iluanni inassutinik saqqummiussiumaarnissaat Naalakkersuisut tutsuigaat.

Taamaattorli tamatuminnga sianigisassat sinneri, ilanngullugit utoqqarnut tamanut inuunermi atugassarisat naammaginarnissaat, aammalu siunissami amerlanernik utoqqaqarnermi inuiaqatigiinni aningaasaqarnikkut aserujaassuseqarnissap sianigisassaaneerli immikkut ilisimasallit oqimaaqatigiissisavaat.

Ilanngaateqarluni naatsorsuutigisani tamakkiisumik atorunnaarsitaqarnerup utoqqalinersiuteqalernissaq malunnartumik annikinnerusumik anguniagaajunnaartissavaa. Ilanngaateqarluni naatsorsuinerup atorunnaarsinnera pisortat aningaasartuutaannik annertuumik allisaassasoq nalilersuutaavoq – 2026-mi 74 mio. kr.-t tungaannut, aamma 2036-mi 109 mio. kr.-nut missiliuutaallutik¹.

Danmarkimi utoqqalinersiutini ilanngaateqarluni naatsorsuinerup assingusumik atorunnaarsitaanerani siullertut sunniutinik misissueqqissaarinnermi sularisap ilorraap tungaanut, taamaattorli killeqangaatsiartumik suliassaartitsinikkut sunniuteqartoq paasineqarpoq².

Naak tamanna nunatsinni pissutsinut toqqaannartumik nuunneqarsinnaanngikkaluatoq suliffissaqartitsinikkut iluanaarutissat ilanngaateqarluni naatsorsuutit peernerisigut taamaalisutigut malunnartutut aningaasartuutitigut qaffariaatinik nalimmatsitsissannginnera imaaliiallaannaq naatsorsuutigineqarsinnaanngilaq.

Immikkut ilisimasallit aalajangiussatut piffissaliussaq malissagaat naatsorsuutigineqarpoq, taamaalillutillu kingusinnerpaatut 2026-mi decemberimi inassutigisatik saqqummiutissallugit.

¹ "Redegørelse om økonomiske konsekvenser ved at fjerne aftrapningsregler for alderspension" *Isumaginninnermut, Suliffeqarnermut, Nunamullu Namminermut Naalakkersuisoqarfiup* suliaa.

² Lehmann & Søborg (2026): The Labor Supply Effects of Abolishing the Retirement Earnings Test: Evidence from Danish Micro Data, Nationaløkonomisk Tidsskrift.



Apequt 2

Suleqatigiissitat immikkut ilisimasallit suliaqarnermut tunngaviit sinaakkutsillu pillugit allaaserineqartumi nr. 4-mi, inatsit sorleq pineqarnersoq Naalakkersuisut itisilersinnaavaat? Oqaaseqatigiit ima allassimapput:

"... inatsilerinermi aningaasaqarnikkut kajumissaarutit ilaatinneqsigut aamma soorlu suliffeqarfiit isumaqatigiissutillu qanoq annertutigisumik tamatumunnga pilerisaarinersut ilaatinneqassallutik."

Akissut

Immikkut ilisimasallit suliassaannik toqqammavissiisunik immikkut ilisimasallit suliassaasa nassuiaataanni tunngavigisassat suliaqarfigisanilu sammisassat arlallit takuneqarsinnaapput. Piviusutigut tunngavigisanik tamakkuninnga akertiusunik immikkut ilisimasallit inassutissanik suliaqassanngitsut naatsorsuutigineqarpoq. Apequt imm. 4-mut attuumassutilik ima ippoq:

"4. Suliffeqarnerup suli kajungernassuseqarnissaa:

Utoqqalinersiuteqalernermi suliffeqarfimmi suliinnarnissamut utoqqaat piunassuseqarlutillu nukissaqartut pillarneqassanngillat. Innuttaasut utoqqalinersiuteqalernissamut qanillisut (imaluunniit ukiuminnik angusaqareersut) suliffeqarfiup ilaaffiginissaanik suli kissaateqartinniarlugit kajumissaarissutitut ilutsimik pitsaanerusunik pileritsisoqassaaq. Tamanna ingammik innuttaasup inuunermini kingusinnerusumi nammineq sulinissamut piunassuseqarneranik piginnaasaqarneranillu tunngaveqarpoq, aammali inatsisaasuni ilanngussukkatut aningaasaqarnermi kajumissaarutaasut ilaapput, aamma assersuutigalugit suliffeqarfiit isumaqatigiissutillu tamatumunnga qanoq annertutigisumik kajumissaarisuunerat ilaallutik.")

Innuttaasunut utoqqalinersiaqalernissamut qanillisunut, imaluunniit ukiuminnik angusaqareersunut suliffeqarfiusup ilaaffiginissaanut aningaasaqarnermi kajumissaarutaasumut pingaarutilimmik qulaani inatsisaasut tamakku siammassutut innersuutaapput. Taamaalilluni utoqqalinersiuteqarnek pillugu inatsisaasunut tamanna tunngasinnaavoq, ilanngullugit sulinermi isertitanit ilanngateqarluni naatsorsuinerit pillugit malittarisassiat.

Tunngaviatigut aamma akileraarutitut akitsuutinullu malittarisassianut tunngasinnaavoq. Kiisalu ikiorsiissutitut isertitanit aalajangerneqartut sinneritut malittarisassianut, aningaasanut nammineq atorsinnaasanut sunniinnaasanut, soorlu initaarnarnermut tapiissutitut/ineqarnermut tapiissutitut, aamma ilassutitut pisortanit ikiorsiissutitut attuumassuteqarsinnaapput.

Inatsimmut ataatsimut aalajangersimasumut imm. 4-p innersuussinnginnera siunertarineqarpoq, inatsisilli attuumassutilit aqutugalugit suliffeqarnissamut kajumissaarissutit qanoq nukittorsarneqarsinnaaneri pillugit immikkut ilisimasallit siamasissunik inassuteqaatinik saqummiussisinnaanissaannut ammaasoqarpoq.

Aammattaaq inatsisit kisiisa aqutugalugit suliffeqarnissamut kajumissuserisap pilerissinnaannginnera imm. 4-p innersuussutigaa. Suliffeqarfiit aamma isumaqatigiissutit siamasissutut annertussuseqartutut utoqqaat suliffeqarfimmut attaveqarnerisa nanginnissaannut tapersersuisinnaapput, soorlu suliffigisatut piffissat allangorartitat, piffissap ilaani sulinissamut periarfissat, utoqqarnut atugassarititat immikkut ittut il.il. aqutugalugit.



Med venlig hilsen

Aqqaluaq B. Egede